



**Francisci Monacelli Eugubini J. U. D. Protonotarii
Apostolici, olim Venusinæ, postea Æsinatis, ac demùm
Parmensis Ecclesiæ Vicarii Generalis, &c. Formularium
legale practicum Fori Ecclesiastici**

in quo formulæ expeditionum usufrequentium de his, quae pertinent ... ;
cum appendice plurium constitutionum apostolicarum

Formularii Legalis Practici Fori Ecclesiastici Supplementum - In Quo Non
Solum Omnes Feré Formulæ, quæ in præcedentibus tribus Libris
continentur, novis quamplurimis adnotationibus Legalibus Practicis, ac
Sacrarum Congregationum Responsis roborantur; verùm etiam nonnullæ
aliæ, quæ ad Operis ...

Monacellus, Franciscus

Venetiis, 1732

Resignationis Beneficii.

[urn:nbn:de:hbz:466:1-62442](https://nbn-resolving.org/urn:nbn:de:hbz:466:1-62442)

37 Patronò , permutaret , Beneficium va-
 caret , ut volunt *Gratian. discept. 835.*
num.6. & 10. Tond. ubi supra, num. 21.
 nisi post permutationem factam , à die
 Scientiæ lapsum esset tempus à lege as-
 signatum Patrono ad presentandum ;
 nam tunc permutationem amplius im-
 pugnare non posset , *Tondut. ibid. nu.23.*
 38 vel Patronus requisitus recularer sine
 justa causa consentire permutationi ,
 quæ cederet in evidentem Ecclesiæ uti-
 litatem , nam etiam tunc , eo invito
 permutatio sustineretur , *Tondut. ibid.*
num. 22.

39 Sextò , quòd permutatio debet fieri de
 Beneficio cum alio beneficio , non au-
 tem cum alia re spiritali , veluti de Bene-
 ficio cum decimis , vel de Beneficio cum
 Cappella , aut legato missarum , *Tondut.*
 40 *loc. cit. n. 25. & 26.* neque debet esse triangu-
 laris , veluti si Titius resignet unum Be-
 neficium in favorem Joannis , ipse Jo-
 annes resignet suum Beneficium , non in
 favorem Titii , sed in favorem alterius ,
 quia esset simoniaca , *Barbos. loco alleg.*
num. 13.

41 Septimò , quòd pro validitate permu-
 tationis requiritur , quòd permutantes
 post secutam permutationem vixerint
 spatio viginti dierum , quia regula Can-
 cellariæ Apostolicæ de infirmis includit
 etiam causam permutationis , *Tondut. ubi*
sup. num. 30. Card. de Luca de Benef. discep.
 40 *num. 17.*

Eod. tit. 2. form. 19. pag. 80.

42 *Num. 4.* Resignatio Beneficii simplicis
 facienda coram alio legitimo Receptore ,
 & Collatore per Procuratorem , fieri po-
 terit modo sequenti .

„ N. impulsu devotionis ductus in-
 „ grediendi Religionem N. (vel quia
 „ provifus de . . .) optans , & cupiens
 „ Beneficium simplex , quod possidet
 „ sub Tit. S. N. in Ecclesia N. Diocæ-
 „ sis N. erectum , & spectan. ad colla-
 „ tionem N. resignare , idè in mani-
 „ bus prædicti N. collatoris per D. N.
 „ Procuratorem suum ad hoc ab eo spe-
 „ cialiter constitutum , prout de suæ
 „ procurationis mandato legitimè per
 „ Instrumentum rogat. manu N. No-
 „ *Monacelli, Formul. Suppl.*

„ tarii publici sub die . . . fidem fecit ex
 „ prædicta causa , spontè , purè , & li-
 „ berè , ac simpliciter resignavit , & re-
 „ signat ; ipseque N. collator coram me
 „ &c. resignationem hujusmodi sicut
 „ præmittitur , in manibus ejus factam
 „ admisit , & acceptavit , præstato per
 „ eundem N. nomine , quo supra , pro-
 „ curatorio juramento ad Sancta Dei
 „ Evangelia corporaliter tacta , quod
 „ in dicta resignatione non interven-
 „ rit dolus , neque fraus , aut alia quæ-
 „ vis illicita pactio , nec tacita , neque
 „ expressa , & ita &c.

Num. 8. Præter casum ibi relatum
 circa occultum crimen simoniæ , quæ-
 43 ri etiam solet , an Beneficiarius , qui deli-
 ctum occultum patravit , propter quod
 in foro externo esset Beneficio privandus ,
 valeat tuta conscientia illud retinere , vel
 potius illud resignare teneatur ? *Quarant.*
in summ. Bullar. verb. Beneficior. resignatio
ad Bullam Pii 4. in addit. pag. mibi 104.
 tenet , quod non compellatur in foro in-
 terno resignare , cum nemo debeat pœnam
 exequi contra se ipsum .

Verùm suam opinionem limitat tri-
 44 pliciter . Primò , nisi initium sit vitio-
 sum , puta per ingressum simoniacum ,
 aut aliam illicitam intrusionem . Secun-
 45 dò nisi à jure addatur , ut etiam in foro
 conscientiæ non possit illud retinere , ut
 habet Concilium Tridentinum , loquens
 de fructibus Beneficii residentialis pro ra-
 ta temporis absentiæ . Tertiò , nisi ab ipso
 46 jure declararetur inhabilis ad illud obtinen-
 dum , ut habetur *In eod. Conc. sess. 25. cap.*
4. de reform. Quartam fallentiam addit
Garc. de Benef. part. 11. cap. 10. num. 18.
 & seqq. nempè nisi à jure addatur , quòd
 47 qui committit tale crimen , ipso jure Be-
 neficio privetur .

Ad gravitatem autem labis simoniacæ
 48 relevandum , adduco hic notabilem con-
 stitutionem *Eugenii IV. impressam in Bul-*
lario , tom. 1. pag. 272. in ordine la 7. se-
quentis tenoris .

„ Eugenius Episcopus &c. cum de-
 „ testabile scelus simoniacæ pravita-
 „ tis , tam Divinarum scripturarum ,
 „ quàm sacrorum Canonum auctoritas
 „ abhorreat , & damnet . Nos conside-
 „ rantes , quòd plures pœnarum gravi-
 „ tas ,

tas, quàm Dei timor avertete solet à voluptate peccandi, ac summis delictis affectantes, ut hoc peccatum vitium, non ex usu solum, sed etiam ex mentibus hominum, saltem propter poenarum metum penitus evellatur.

§. I. Prædecessorum Romanorum Pontificum vestigiis inhærendo, ac etiam omnes, & singulas excommunicationis, suspensionis, & interdicti sententias, censuras, atque poenas dudum à Pontificibus prædictis, & pro talibus reputatis contra Simoniacos quomodolibet latas, & quas illos cujuscumque Status, gradus, Ordinis, conditionis, vel præminentiae fuerint, etiam si Cardinalatus, Patriarchali, Episcopali, Regali, Reginali, vel alia quavis Ecclesiastica, seu mundana Dignitate præfulgeant, & eorum quemlibet, tam manifestum, quàm occultum, ipsas incurere volumus, confirmantes, & innovantes, auctoritate Apostolica declaramus, quòd omnes illi, qui simoniacè ordinati fuerint, à suorum sint Ordinibus suspensi, per electiones verò, postulationes, confirmationes, seu qualvis alias dispositiones, quas Simoniacæ labe fieri contigerit, & quæ viribus omninò careant, in Ecclesiis, Monasteriis, Dignitatibus, personalibus Officiis, Ecclesiasticis quibusvis Beneficiis, aut aliquo eorum, cuicumque jus nullatenus acquiratur, nec inde faciat aliquis fructus suos, sed ad omnium illorum, quæ perceperit, restitutionem, sub animæ suæ periculo sit astrictus. Statuentes præterea, quòd universi, & singuli, etiam præmissa dignitate præditi, qui quomodolibet dando, vel recipiendo simoniam comiserint, aut quòd illa fiat mediatores extiterint, seu procuraverint, sententiam excommunicationis incurrant, à qua nisi à Romano Pontifice pro tempore existenti non possint absolvi, præterquam in mortis articulo constituti.

§. II. Et ut hujusmodi labis contagium frequentius reprimatur, om-

nibus, & singulis Ecclesiasticis, sæcularibusque personis cujuscumque Dignitatis, status, gradus, Ordinis, seu conditionis fuerint, in virtute Sanctæ Obedientie districtè injungimus, & eos omnes, quos simoniam commisisse, vel procurasse, aut in ea mediatores esse sciverint, Pontifici prædicto, vel ejus Camerario, aut cui idem Pontifex duxerit committendum, per se, vel per alios revelare quàm citius non omitant, quòd si non fecerint, absolvi non debeant, donec prædicta revelent. Nulli ergo &c. Datum Romæ apud S. Grisogonum anno 1474. Pontificatus nostri anno quarto.

Ex hac Bulla non solum roboratur sententia Quaranta mox supra allegata⁴⁹ circa obligationem restituendi fructus perceptos Beneficii, labe simoniaca obtenti, quamvis occulta; sed sit quoque evidens, quòd in hoc simoniæ delicto secretum naturale non obligat, & illud⁵⁰ sciens sub tali sigillo, non solum Judice interrogante, imò & spontè revelare tenetur, quia pertinet ad corruptionem Ecclesiasticorum Spiritualem, & vergit in damnum boni publici, & Beneficiati, & contra hoc delictum quis obligari non poterit per secreti commissum, quia frangeret fidem, quam debet Pontifici, ut docet D. Thom. 2. 2. quest. 70. art. 1. ad 2.

Tit. 3. form. 1. pag. 9c.

Num. 1. Signa veræ vocationis illorum, qui ad Ordines promoveri cupiunt, sunt

Honestas vitæ, morum probitas.

Doctrinæ ornatus.

Desiderium serviendi Deo.

Decentia habitus.

Delectatio functionum Ecclesiæ.

Si non se ingerant malis artibus, & via indirecta, ut ingrediantur in Ecclesiam.

Qui enim requisita Concilii Trident. cap. 4. 5. 6. & 16. sess. 25. de reform. non habent, non sunt ad Ordines admit-⁵² tendi, ut plenius mandavit Episcopis Sacr. Congreg. Immun. scilicet in Pedemon-